

قصيدتان باللغة العامية يُلقبها كلٌّ من " تمارا المقداد" و "حود حمادة".

يللي نهبتو بلادنا من دون خجل  
وفينا عملتو عمايل لـ ما بتتعمل  
الشعب اللي بدو العدل لا تتأملو  
يسكت بوجّ الظلم لو مهما حصل  
فيكن علينا بالمرض تتحاملو  
فيكن تخبّو الأدوية حتى الشلل  
فيكن علينا البنك بابو تقفلو  
فيكن المودع تزرعو بقلبو الممل  
فيكن تخلّو من بلدنا يرحلو  
أجيال ما لقيت بموطنها عمل  
فيكن حكم ظالم علينا تعملو  
فيكن تخلّو الديب يفتك بالحمل  
فيكن تقنّو دموعنا تا ينزلو  
فيكن تخلّو جروحنا ما تندمل  
فيكن سنين العمر فينا تقتلو  
لكن ما فيكن تقتلو فينا الأمل.

للشاعر " جورج أبو أنطون".

في رجال قدّ الكون لو كانوا قلال  
بشدّ حالو الفعل لو حكيوا الرجال  
نحننا الجبال الشامخة والقهر غيم  
قدّام زحف الغيم ... شو همّ الجبال

الله كريم بيرجعوا حبابك  
بيرجع مشرّع للدني بابك  
ما زال نحننا فيك دقنا العزّ  
وفيك انجيل من دمنا ترابك  
مهما تجنّ الريح لا تنهزّ  
تيابك كرامة ومجد يا بو الأرز  
لبنان ... أوعى تشلح تيابك.

للشاعر "نزار فرنسيس".